

B. N. C
FIRENZE

1 0 6 9

39

1069.39






PROTESTATIO
ET
EXCEPTIO

ILLUSTRISSIMI, AC
REVERENDISSIMI DOMINI
ADOLPHI GODEFRIDI
VOLUSII MYSIENSIS EPISCOPI;

SIMULQUE
SACRÆ FACULTATIS
*Theologicæ Moguntinæ; earumque
æquitas demonstrata adversus*

DECRETUM

Illustrissimi ac Reverendissimi Domini
Archiepiscopi Mechliniensis, datum
15. Februarii Anno 1676



MOGUNTIAE,

Typis LUDOVICI BOURGEAT, Academicæ
Typographi.

M. DC. LXXVI.

THE HISTORY

OF THE

ROYAL

NAVY

OF GREAT BRITAIN

AND IRELAND

FROM THE

EARLIEST PERIODS

TO THE PRESENT

TIME

BY

JOHN

BARRETT

ESQ.

LONDON

PRINTED BY

JOHN BARNES



TENOR DECRETI.



ALPHONSUS DE
BERGHES, *Dei &*
Apostolicae Sedis Gratia
Archiepiscopus Mechli-
niensis, Primas Belgii, ad exercitus
Regios Delegatus Apostolicus, &
Suae Majestati à Consilio Status,
&c. Omnibus Presbyteris, Cleri-
cis, Notariis, & Tabellionibus pu-
blicis, necnon Curiae nostrae Appari-
toribus, seu Officiariis juratis, Salutē
in Domino. Cum pro parte R.R.
DD. Laurentii Neesen Canonici
Theologalis in nostra Metropoli-
tana, Gummari Huyghens S. T.
Doctōris & Professoris Lovanien-
sis, Macarii Havermans Canonici
Regularis Ordinis Praemonstra-

tenfis Sacrae Theologiae Lectoris,
& Aegidii Gabriëlis ex Tertio Or-
dine S. Francisci ejusdem Sacrae
Theologiae Lectoris in Conventu
Bruxellensi, per supplicem Libel-
lum Nobis expositum fuerit, quod
à paucis septimanis per hanc Dice-
cesim nostram distribuatur & di-
strahatur parvulus aliquis Libellus
Moguntiae, uti prætenditur, im-
pressus per Ludovicum Bourgeat
Academiae Moguntinae Typogra-
phum, habens pro titulo, *Status,
Origo, & Scopus Reformationis, hoc
tempore attentatae in Belgio circa ad-
ministrationem & usum Sacramen-
ti Pœnitentiae, juncta piorum sup-
plicatione ad CLEMENTEM
X. Pontificem Maximum per Fran-
ciscum Simonis S.T.L. & per eum-
dem Libellum graviter famæ &
honori exponentium detrahatur*

pu-

publicè, cum scandalo publico: ut-
potè quia dictus Libellus, uti expo-
nentes asserunt, iis affingat varia
dogmata scandalosa & hæresim re-
dolentia, quæ nullatenus tenuerūt,
aut verbis scriptisvè docuerunt, te-
nent aut docent: Et eapropter ab
huiusmodi calumnia dictā famam
suam, (qua cum primis opus habent,
pro officiis & functionibus, in qui-
bus à suis Superioribus sunt consti-
tuti, proficuè exercendis) & Reli-
gionem, Fidem, ac doctrinam suam
vindicare cupientes, Nobis suppli-
carint, ut, vocatis vocandis, se coram
Tribunali nostro, quoad sibi per
huiusmodi Libellū impactos erro-
res expurgare, & Doctrinæ suæ pu-
ritatem demonstrare valeant: & ne
sæpe dictus Libellus in prædictam
eorum Fidem ac famam ulterius
grassetur, petierint, quatenus ipsum,
ejus-

ejusque evulgationem ulteriorem
prohibere vellemus & dignaremur:

Idcirco Vos, & Vestrum singu-
los requirimus, & committimus, ut
coram Nobis, vel nostro Officiali
Metropolitico ad hoc nostrum Pa-
latium Bruxellense in diem aliquam
juridicam per vos designandam, &
horam decimam matutinam, ante si
dies illa non foret juridica, ad aliam
proxime sequentem, citetis, vel ali-
quis Vestrum citet præmentiona-
rum Franciscum Simonis S. T. L.
& Ludovicum Bourgeat assertum
Typographum, & quoslibet alios
sua interesse putantes, ut prædictis
Supplicantibus se expurgare vo-
lentibus, & ad id præsentiam suam
assignato die exhibituris opponant,
si quid opponendum habeant, alia-
que ac alias agant prout consilii.
Quod si autem assignato die non
com-

14
comparuerint, committimus & re-
quirimus ut suprà, ut eosdem ante-
memoratos pro secundâ & tertiâ
vice citetis, ut aliquis vestrûm citet
infra duos alios terminos, quorum
quilibet sit trium Septimanarum
ad effectus ut suprà : cum intima-
tione, siue comparuerint, siue non,
quod equidem ad ulteriora proce-
detur, justitiâ mediante, non com-
parentium contumaciâ non obs-
tante. Et quid de præmissis feceri-
tis, vel vestrûm aliquis fecerit, No-
bis fideliter rescribatis. Et sine ejus
præjudicio prædicti Libelli publi-
cationem, ulteriorem distractio-
nem & evulgationem inhibemus
per provisionem, donec partibus
auditis, aliud ordinaverimus ; Et
quia dictus Franciscus Simonis &
Ludovicus Bourgeat, habitât extrâ
limites nostræ Diœcesis, idcirco
harum


harum executionem fieri volumus
ad valvas Ecclesiæ Collegiatæ Di-
væ Gudulæ hujus Oppidi, & ad
alias aliarum Ecclesiarum valvas.
Datum in Palatio nostro Archië-
piscopali Bruxellę die decimâ quin-
tâ Februarii Anno Domini 1676.

*De Mandato Illustrissimi &
Reverendissimi Domini Ar-
chiepiscopi præfati.*

Locus (†) Sigilli.

J. DE MAYERE Secret.

PROTES-



PROTESTATIO ET EXCEPTIO.

HOc Decretum postquam perlatum est Moguntiam, obstupuerunt Illustriss. ac Reverendiss. D. Episcopus Mysiensis, & Sacra Facultas Theologica Moguntina, qui libellum *Status, Origo, &c.* amplissimè approbaverunt: cumque animadverterent, Decreto illo citari, non solum *Franciscum Simonis* auctorem libelli & *Ludovicum Bourgeat* Typographum, sed & quoslibet alios suâ interesse putantes, & ipsi reputarent, suâ maximè interesse, non dubitarunt illicò legitimam facere Protestationem, & Exceptionem adversus Decre-

b

cre-

cretum Illust. ac Reverend. D. Archiëpiscopi Mechliniensis, declarantes se in Supplicatione ad Pontificem Maximum persistere ob causas sequentes. Primò, ob defectum jurisdictionis Illustriss. ac Reverend. D. Archiëpiscopi Mechlin. ejusque Officialis, in hac circumstantiâ personarum utriusque partis. Secundò, ob præviam delationem causæ ad S. Sedem Apostolicam. Tertiò, ob specialem causæ gravitatem necessario deferendæ, & jam delatæ ad Sanctam Sedem: Denique ob alias plures causas in peculiari desuper scripto deducendas & probandas.

Porro legitimum instrumentum hujus Protestationis, & Exceptionis expediverunt Moguntia Bruxellas ad Illustrissimum ac Reverendissimum D. Archiëpisc-

copum die 11. Martii 1676. atque
huius expeditionis attestationem
acceperunt scriptam. manu Præ-
nobilis Domini Magistri Curso-
rum Moguntini.



PROTES

THE
LIBRARY OF THE
MUSEUM OF
ART AND HISTORY
OF THE CITY OF
NEW YORK



FRICK



PROTESTATIONIS,

ET

EXCEPTIONIS

ÆQUITAS DEMONSTRATA.

§. I.

Præmittuntur fundamenta quædam certa ad demonstrandam æquitatem Protestationis, & Exceptionis.

PRIMUM. Constat Franciscum Simonis S. T. L. Auctorem libelli, cui titulus, *Status, Origo, &c. & Ludovicum Bourgeat, Academia Moguntinæ Typographum citari iussos, habitare extra Diocesim Mechliniensem. Hoc*
A certum

2 PROTESTATIONIS, ET EXCEPTIONIS
certum est ex ipso Decreto Illust. ac Reverendiss. D. Archiepiscopi, in quo sic legitur:
Et quia dictus Franciscus Simonis, & Ludovicus Bourgeat habitant extra limites nostræ Diocesis.

SECUNDUM. Constat, alios non paucos, qui citari jubentur dicto Decreto, habitare extra Diocesim Mechliniensem. Jubentur enim citari *quilibet alii suâ interesse putantes:*

Atqui non est dubium, quin putent suâ interesse, primò Illustriss. ac Reverendiss. D. A. G. Volusius Episcopus Mysiensis, qui libellum amplè approbavit. Secundò Sacra Facultas Theologica Moguntina universa, quæ & ipsa libellum amplissimè approbavit. Tertiò imprimis Sacræ Facultatis Theologicæ Moguntinæ Decanus Conradus Breunig, qui nomine Sacræ Facultatis approbationi subscripsit. Quartò ipse Eminentissimus D. Archiepiscopus, ac Elector Moguntinus, cui certè parùm honorifica esset sententia Illust. ac Reverend. D. Archiepiscopi Mechliniensis contra libellum approbatum, à supremo Censore Archiepiscopali Eminentissimi Domini, simulque ab Eximiâ Facultate Theologicâ celeberrimæ suæ Academiæ. Denique S. T. Doctores Colonienſes Jacobus Emans, Ioannes Nederwitz, & Ioannes Loventhal, qui & ipsi libellum approbarunt. Hos
omnes

omnes constat habitare extra Dioccesim Mechliniensem.

TERTIUM. Constat R. D. Gummarum Huyghens non esse subditum jurisdictioni Illust. ac Reverend. D. Archiepiscopi: est enim membrum Academiae Lovaniensis, quæ est omnino exempta, ut constat ex Bullâ Martini V. in quâ ex Fastis ipsis Academiae Lovaniensis sic lego: *Omnium & singulorum, causarum, & negotiorum cognitio, atque decisio Doctorum, Magistrorum, Scholarium, Membrorum, atque Servitorum eorundem, sive clerici, sive laici fuerint, & etiam de quibuscumque criminibus & excessibus correctio, & punitio, ac omnimoda super illis jurisdictio ad Rectorem studii in eodem oppido pertinere omnimodo dignoscantur.* Denique si quis dubitet de istâ exemptione Academiae Lovaniensis, consulere potest ipsum D. Gummarum, qui eam propugnare etiam juramento obstringitur.

QUARTUM. Constat R. D. Macarium Havermans non esse subditum Illust. ac Reverend. D. Archiepiscopo: est enim Ordinis Præmonstratensis Canonicus Regularis; quem Ordinem constat esse omnino exemptum. Si quis dubitet, consulat ipsum D. Macarium.

QUINTUM. Constat R. D. Ægidium Gabriel non esse subditum jurisdictioni Illust. ac Reverend. D. Archiepiscopi; est enim Religiosus Tertiæ Ordinis S. Francisci de poenitentia,

4 PROTESTATIONIS, ET EXCEPTIONIS
tentiâ, vulgò *Beggardorum*, quos constat esse
omninò exemptos; de quo si quis dubitet,
consultat ipsum *D. Ægidium*.

SEXTUM. Constat, quod libellus *Status*,
Origo, &c. sit merus recursus ad Sanctam
Sedem, in causâ propriè Pontificiâ; & qui-
dem unâ ex gravioribus, de quibus cap. *Ma-
jores* de Baptismo.

Quia totus libellus est informatio *Summi
Pontificis*, & Supplicatio ad eundem in cau-
sâ doctrinali concernente materiam Fidei;
ritum Sacramenti Pœnitentiæ institutum à
Christo, & salutem animarum, quæ causa
jam pridem per totum Belgium, & vicinas
Provincias graves excitavit commotiones,
& excitare pergit; quod est notorium. Con-
stat denique libellum ipsum debito modo
missum esse ad Sanctam Sedem.

Dices. Auctor libelli malè informat S. Se-
dem: quia dogmata *Scandalosa*, & *hæresim re-
dolentia* concipit suis verbis, & affingit Lau-
rentio Næsen, Gummaro Huyghens, Maca-
rio Havermans, & Ægidio Gabrielis. Hos
deinceps appellabo *Quatuor Viros*.

Respondeo. Auctor libelli verbis suis sub-
jungit verba *Quatuor Virorum* idem signifi-
cantia, ut ipse judicat.

Si dixeris ipsum errare in hoc judicio, di-
co de hoc debere judicare S. Sedem, & hanc
esse unam ex causis gravioribus necessario refe-

refe-

AQUITAS DEMONSTRATA. §. I. 5
referendis ad S. Sedem: quod sic ostendo.

Fatentur *Quatuor Viri*, ut constat ex Decreto Illust. ac Reverend. D. *Archiëpiscopi*, dogmata, ut concepta sunt in libello, esse *scandalosa, & hæresim redolentia*.

Atqui notorium est, quod per totum Belgium, & tractum Rhenanum pars multò major virorum Doctrinâ Theologicâ excellentium judicet, dogmata illa bene esse concepta, & conformiter ad verba *Quatuor Virorum*.

Notorium est item, quod libri *Quatuor Virorum* in his provinciis magnam excitarint commotionem, & excitare pergant, ob suspicionem, vel opinionem illorum dogmatum.

Ex his concluditur, quod judicium, an *Quatuor Viri* docuerunt illa dogmata, versetur in causâ unâ ex gravioribus, ad *Summum Pontificem* necessariò referendis: est enim reverà judicium, an *Quatuor Viri* docuerint dogmata *scandalosa, & hæresim redolentia*. Sive an doctrina contenta, & expressa in libris *Quatuor Virorum* sit *scandalosa & hæresim redolens*, ob quorum librorum doctrinam gravis exorta est commotio per magnam partem Ecclesiæ.

SEPTIMUM. Constat per decretum Illust. & Reverend. D. *Archiëpiscopi* processum esse ad sententiam provisionalem inhibito-

6 PROTESTATIONIS, ET EXCEPTIONIS
riam ulterioris distractionis libelli *Status, Ori-*
go, &c. ex merâ assertione *Quatuor Virorum*
dicentium, per eundem libellum graviter
famæ, & honori suo detrahi publicè cum
scandalo publico, atque ex petitione ipsorum
rogantium, ut libelli evulgatio ulterior pro-
hiberetur.

Hoc verò certum est ex ipso Decreto, si
attendas ad universum ejus motivum, quod
continetur his verbis: *Cum pro parte RR. DD.*
Laurentii Neesen. &c. Nobis expositum fuerit,
&c. quod per eundem libellum graviter fama, &
honori exponentium detrahatur publicè, & cum
scandalo publico: utpote quia dictus libellus, UTI
EXPONENTES ASSERTUNT, iis assignat varia
dogmata scandalosa, &c. ET PETIERINT, qua-
tenus ipsum, ejusq; evulgationem ulteriorem pro-
hibere vellemus & dignaremur: IDCIRCO vos &
vestrûm singulos requirimus & committimus, &c.
& sine ejus præjudicio prædicti libelli publicatio-
nem, ulteriorem distractionem, & evulgationem
inhibemus, &c.

Ecce tota ratio movens ad provisionem
hæc est; Exponentes asserunt: Exponentes petie-
runt. His subditur ipsa provisio, sic incipien-
do; IDCIRCO, &c.

His jactis fundamentis progredior ad de-
monstrandam æquitatem Protestationis, &
Exceptionis.

§. 2.

Demonstratur æquitas Protestationis, & Exceptionis.

Primò. Quia neque illi, qui citari jubentur coram Illust. ac Reverend. D. *Archiepiscopo*, aut ejus Officiali, neque illi, qui se expurgare volunt, & quibus sese expurgantibus citati deberent opponere; si quid opponendum habeant, sunt Subditi Illust. ac Reverend. D. *Archiepiscopo*.

Jubentur enim citari *Franciscus Simonis, Ludovicus Bourgeat, & quilibet alii sua interesse putantes*. Hi verò non sunt subditi, ut demonstratum est fundamento 1. & 2.

Rursus verò tres omninò ex *Quatuor Viris*, quibus sese expurgantibus jubentur opponere citati, si quid opponendum habeant, non sunt subditi Illust. ac Reverend. D. *Archiepiscopo*. Ut patet ex fundamento 3. 4. 5.

Atqui per se patet, æquissimè recusari judicem à citatis, si neque citati sint subditi Judici, neque subditi sint iis, quibus opponere jubentur citati.

Neque dicas, illos *tres viros* voluntariè se submittere. Illa enim submissio fieri non potest sine consensu partis utriusque, quod est
certum

8 PROTESTATIONIS, ET EXCEPTIONIS
certum apud omnes, & tractatur in l. 18. ff.
de Jurisdic. l. pen. Cod. de peccatis.

Dices saltem *Laurentius Neesen* est subdi-
tus Illust. ac Rev. D. Archiepiscopo.

Nihil hoc refert. Interea enim citari ju-
bentur externi, ut opponantur non subditis,
& quidem tribus. Hoc est iniquum, & causa
sufficiens recusationis. Neque lex ulla, aut
Canon remedium præscribens adversus dif-
famantes, afferetur, unde justificari possit
vel in speciem hujusmodi citatio.

SECUNDO. Quia Illust. ac Rev. D. Ar-
chiepiscopus molitur ad se trahere causam Pon-
tificiam, & jam re ipsâ delatam ad *Summum*
Pontificem.

Quia causam esse Pontificiam, & re ipsâ
delatam ad *Summum Pontificem* constat ex
fundamento 6.

Porro nihil usitatus est in utroque jure,
quàm quod in materiâ juris recurratur ad Im-
peratorem, & *Summum Pontificem*. Testantur
id omnes pænè leges Codicis, & Libri quin-
que Decretalium *Gregorii IX.* qui ferè sunt
Responsa Pontificum super Jurisconsultatio-
nibus delatis non tantum ab Episcopis, sed
etiam à privatis.

Causam autem præsentem versari in ma-
teriâ Juris, patet; quia est causa doctrinalis
concernens materiam fidei, ritum Sacramen-
ti Poenitentiae institutum à Christo, atque
inde

inde pendentem salutem animarum, ut dictum est ad fundamentum 6.

Dices Illust. ac Reverend. D. Archiepiscopus solum ad se trahit causam civilem, in qua disceptatur, an illis *Quatuor Viris* facta sit injuria, affingendo ipsis dogmata scandalosa, & *heresim redolentia*. Quod confirmatur ex eo:

Quia citari jubet citandos sub disjunctione, vel coram se, vel coram suo Officiali Metropolitico, ad quem non potest spectare judicium in causâ fidei.

R. Impossibile est decidi causam illam civilem, nisi decidatur causa doctrinalis concernens materiam fidei; quod sic ostenditur.

Quia duobus modis posset *Quatuor Viris* facta esse injuria. Primò, quod verba, quæ ex ipsorum libris ait se referre *Franciscus Simonis*, non haberentur in ipsorum libris. Secundò, quod verba illa, ut contenta in ipsorum libris, non habeant sensum illorum dogmatum, quæ *Quatuor Viri* aiunt esse scandalosa, & *heresim redolentia*. Primum versatur in questione facti: Secundum in questione juris.

Primum causari non possunt *Quatuor Viri* sine palpabili cavillatione, aut malignatione.

Negabitne *Laurentius Neesen*, se habere hæc Tract. 6. q. 2. dub. 3. Pater neminem

10 PROTESTATIONIS, ET EXCEPTIONIS

ex solo pœna timore peccatum aliquod sic posse effugere, ut non incidat in aliud? Negabitne se habere hæc; Dices. Si dolor ortus ex timore gehenna habeat conjunctam voluntatem peccandi, monendi erunt homines, ne ex hoc motivo peccata sua detestentur: malè quoque facient Concionatores hæc proponentes. Respondeo concedendo totum, intelligendo, videlicet, ut ante, ex dolore orto ex solo metu?

Negabitne Gummarus Huyghens se habere hæc Method. p. 67. Confessiones, & Communiones; quæ durante consuetudine recidendi peracta fuerunt, plerumque tamquam sacrilegia confiteri oportet? Dicitne sibi afficta verba, cum dixit Franciscus Simonis ipsum docere in Apologia §. 10. p. 69. differendam absolutionem pœnitenti; ut vitia contrariis virtutum actibus interea expellat, ac pravis suis inclinationibus medeatur, &c? Negabitne hæc esse sua verba Method. p. 200. Confectaneum hinc videtur, quod illè, qui vel semel peccavit mortaliter peccato saltem externo, & graviori, non poterit absolvi primâ vice, quâ Confessarium absolvendus accedit, &c. Responsi loco sit, quod pœnitens, priusquam Confessarium petiturus absolutionem accedat, potest suâ sponte egisse ea omnia, quæ Confessarius absolutionem dilaturus præmittenda absolutioni judicaret; ac proinde eo eventû absolutio huic pœnitenti ne primâ quidem vice differenda fuerit. Addiditne aliquid huic
res-

responsioni, quod *Franciscus Simonis* negavit; nisi quod monendum sæpè in Concionibus esse populum dixerit, ut ad Confessionem se præpararet variis poenitentiae operibus?

Negabitne *Macarius Havermans*, hæc esse sua Tract. 2. c. 6. §. 3. num. 64. Cum quædam ex propositionibus ibidem proscriptis in rigore sint vera, & ut aiunt Pontifices in illâ Bullâ (Pii V. & Gregorii XIII. contra art. Baian.) nonnullæ aliquo pacto sustineri possent in rigore, & proprio verborum sensu ab authoribus intentæ?

Dicetne *Ægidus Gabriëlis*, afficta sibi esse verba, cum dixit *Franciscus Simonis* illum docere Mor. Christ. part. 2. §. 70. nullam esse veram virtutem, nisi operantem propter solum Deum ex puro Dei amore, qui est amor Caritatis attollens hominem supra seipsum, & soli Deo uniens, id est unum spiritum cum Deo faciens? Negabitne hæc esse sua verba ibid. §. 38. Nisi enim per opera poenitentia Sacerdoti constet de interiori Contritione poenitentis, quam in ipso operatur Deus, & per quam externis operibus indicat, cum se recipere in gratiam, non erit vera absolutio Sacerdotis?

Omitto cætera; quia non est credibile, quod *Quatuor Viri* questi sint de primo, seu verba non sua sibi esse afficta: de quo est quaestio facti. Questi sunt igitur de secundo, seu
verba

12 PROTESTATIONIS, ET EXCEPTIONIS
verba illa, ut contenta in suis libris, non habere sensum dogmatum, quæ vocant *scandalosa, & hæresim redolentia*, quem sensum illis tribuit *Franciscus Simonis*.

Hanc verò quæstionem dico non posse decidi, nisi decidatur causa doctrinalis concernens materiam fidei.

Quia non potest judicari, verba illa *Quatuor Virorum*, quæ allegat *Franciscus Simonis*, continere, vel non continere sensum dogmatum *scandalosorum, & hæresim redolentium*; nisi judicetur, an doctrina *Quatuor Virorum* sit, vel non sit *scandalosa, & hæresim redolens*; quod est manifestum. Hanc autem esse decisionem causæ doctrinalis concernentis materiam fidei, est non minus manifestum. Fortasse tamen aliquid damnabilis argutationis hic invenirent, qui sunt contumaces contra Bullam Alexandri VII. quæ incipit *Ad Sacram.* quod ego à *Quatuor Viris* non expecto.

TERTIÒ. Quia Illust. ac Reverend. D. *Archiepiscopus* molitur ad se trahere causam unam ex gravioribus, & necessario deferendam ad *Summum Pontificem* ex cap. *Majores de Baptismo*, jamque reipsâ eò delatam.

Hæc ratio intelligitur ex jam dictis, & ex fundamento 6. causa enim præsens concernit materiam fidei, ritum divinum Sacramenti Poenitentiae, & salutem animarum, eademque gravem excitavit commotionem per
mag-

magnam partem Ecclesiæ.

Non immeritò similes causæ deferendæ sunt ad *Summum Pontificem*. Quoniam enim verba *Quatuor Virorum*, quæ allegavit *Franciscus Simonis*, gravem excitarunt commotionem per magnam partem Ecclesiæ ob suspicionem, vel opinionem illorum dogmatum, quæ *Quatuor Viri* fatentur esse *scandalosa, & hæresim redolentia*, demus, quod Illust. ac Reverend. D. *Archiëpiscopus* decreto aliquo declaret, verba, & libros *Quatuor Virorum* esse immunes ab illis dogmatibus *scandalosis, & hæresim redolentibus*; sed continere sanam doctrinam; adeoque injuriam illis esse factam à *Francisco Simonis*; certè æquè facile poterit contingere, ut aliquis alius *Episcopus*, seu *Archiëpiscopus*, ipse E. C. Eminentissimus *Archiëpiscopus, & Elector Moguntinus*, vel *Coloniensis*, aliquo suo decreto declaret, verba, & libros *Quatuor Virorum* continere illa dogmata *scandalosa, & hæresim redolentia*; adeoque non esse illis factam injuriam à *Francisco Simonis*. Et sic facilè posset contingere, ut prodirent decreta *Archiëpiscopalia* pugnancia in materiâ concernente fidem, neque enim Illust. ac Reverend. D. *Archiëpiscopus Mechliniensis* aut Eminentiss. D. *Archiëpiscopus & Elector Moguntinus*, aut *Coloniensis*, sunt infallibiles in suis decretis. Et constat, plurimos viros doctos per Belgiû,

&

14 PROTESTATIONIS, ET EXCEPTIONIS
& Tractum Rhenanum, judicare *Franciscum*
Simonis nihil affinxisse *Quatuor Viris*, etsi for-
tasse quidam contrarium judicent.

Demus autem istud contingere. Ecce quàm
foeda turbatio in Ecclesiâ. Ibi nova lis orie-
tur, quod decretum sit majoris auctoritatis,
Mechliniense, an Moguntinum, aut Colo-
niense. Ex his apparet multò consultius esse,
ut Præsules inferiores *Romano Pontifice*, non
sibi sumant decisionem talis causæ, ipsamque
esse unam ex gravioribus necessariò defe-
rendis ad S. Sedem juxta dictum cap. *Ma-
jores*.

QUARTO. Quia (quod salvo honore &
respectu erga tantum Præsulem dictum sit)
Illust. ad Rev. D. *Archiëpiscopus* in causâ hâc
suspectum se fecit præcipitantiæ, distractio-
nem sæpè dictilibelli inhibendo per provisio-
nem ad solam assertionem, & petitionem
Quatuor Virorum, ut patet ex fundamen-
to 7.

Deuisse enim isti provisioni præmitti
cognitionem, omninò habetur ex l. 5. *Cod.*
Comminat. epist. &c. l. 2. *ibid.* 9. §. 2. ff. de
offic. procons. & aliis multis.

Atque hæc procedunt universaliter de quo-
libet arresto, & executione: *Gaill de arrest.*
cap. 11. num. 30. Ad validitatem arrestorum duo
requiruntur: primò, quod facta sint ob justam
causam. Secundò, quod de illâ cognitum sit.

Re-

Rebuff. ad l. 9. ff. de offic. procons. Iudex non potest procedere ad aliquam executionem sine causa cognitione.

Et quamquam in casu necessitatis, v. g. cum debitor parat fugam damno irreparabili creditoris, unâ cum citatione procedatur ad executionem, seu arrestum, præcedere tamen etiam tunc oportet aliqualem causæ cognitionem: quâ de re in cap. 16. de Iure sistendi ita scribit Peckius post alios: Inter postulandum aliqualem fidem facere oportet Iudici de debito, vel per ostensionem instrumenti obligationis, ut censuit Barbatius consil. 9. lib. 2. vel per testes, si forte Syngrapha ad manum non adsit, vel denique aliquâ aliâ legitimâ probatione, per quam Iudex aliquo modo credere potest, verum esse, quod asseritur. Christineus Decis. Belgic. vol. 1. Decis. 258. n. 8. Cum Iudex non debeat facilem præbere aurem creditoribus petentibus incarcerationem debitoris, ipsius erit arbitrari, an suspicio de fuga sufficienter probata sit, præsertim, anne iudici debitè fidem fecerit. Hæc Jurisconsultis sunt notissima.

Non debuiſſet ergo sufficere Illust. ac Rev. D. Archiëpiscopo ad inhibendam distractionem libelli per provisionem, quod Quatuor Viri assererent, sibi per illum affingi dogmata scandalosa, & hæresim redolentia, & peterent prohiberi ulteriorem evulgationem libelli; sed illius criminis probatio aliqualis præmittenda erat;

16 PROTESTATIONIS, ET EXCEPTIONIS
erat; quod non fuit factum, ut constaret
fundamento 7.

QUINTO. Quia (salvo rursus honore, &
respectu ut supra) Illust. ac Rever. D. Archie-
piscopus decreto suo suspectum se fecit animi
non satis indifferentis ad utramque par-
tem.

Quippe decreto suo notabiliter gravavit
unam partem præ alterâ; per provisionem sci-
licet inhibendo distractionem libelli *Francisci
Simonis*, nihil verò statuendo contra libros
Quatuor Virorum, quorum distractio per pro-
visionem inhiberi poterat ad minimum æquè
magno jure, quod sic ostenditur.

Quia Illust. ac Rever. D. Archiepiscopus,
postquam asseruissent *Quatuor Viri* sibi affin-
gi dogmata scandalosa, & hæresim redolentia,
pro singulari suâ prudentiâ suspendit judicium
de hoc puncto, necdum auditis probationi-
bus pro, & contra. Interim stante hoc du-
bio, quia periculum erat, ne ulterior distra-
ctio graviter noceret famæ *Quatuor Virorum*,
distractionem libelli inhibuit per provisio-
nem, sine ejus præjudicio, ut loquitur decre-
tum.

Atqui similiter stante hoc dubio, an dog-
mata illa *Quatuor Viris* affingerentur per in-
juriam, an meritò tribuerentur, periculum
erat, ne distractio librorum, quos illi edi-
derunt, graviter noceret, non jam famæ
quatuor

quatuor hominum; sed salutem animarum per totum Belgium, & alias Provincias: sunt enim dogmata scandalosa, & hæresim redolentia, ut Illust. ac Rever. D. Archiepiscopo exposuerunt ipsi *Quatuor Viri*; & quidem in materiâ Sacramenti Pœnitentiæ tam utilis, & necessarii ad salutem: Ergo majori jure per provisionem inhibenda erat distractio illorum librorum.

Dices. *Quatuor Viri* Illust. ac Rever. D. Archiepiscopo assertuerunt, libellum *Status*, *Origo*, &c. famæ suæ nocere, petierunt illius distractionem prohiberi. Pars contraria nihil asseruit, de libris *Quatuor Virorum*, nihil petit.

Respondeo. Nuda assertio, & petitio *Quatuor Virorum* non debebat movere Illust. ac Rever. D. Archiepiscopum, ut mox ostendetur. Quia tamen assertio illa fecit, ut Illust. ac Rever. D. Archiepiscopus adhuc dubitans, incognita causâ, periculum apprehenderet, ne *Quatuor Viris* noceret distractio libelli: debuisset eadem assertio facere, ut in illâ dubitatione periculum apprehenderet, ne libri *Quatuor Virorum* graviter nocerent salutem animarum, &c. si illud videbatur satis ad prohibendam distractionem libelli, debebat & hoc videri satis ad prohibendam distractionem librorum.

Accedit, quod liber *Ægidii Gabriëlis* sit evidenter

18 PROTESTATIONIS, ET EXCEPTIONIS
denter injuriosus, non jam quatuor homini-
bus, sed Scholis universis in Ecclesiâ æsti-
matissimis, quarum opiniones non paucas,
easque receptissimas refert ad *Moralem Diabo-
licam*,

Imò injuriosus est idem liber *Alexandro VII. Pontifici Romano*, qui die 5. Maii 1667. Decretum edidit, quo vetuit sub pœnâ ex-
communicationis latæ sententiæ alicujus
Theologicæ Censuræ, alteriusve injuriæ,
aut contumeliæ notâ taxare communem doc-
trinam de attritione ex metu gehennæ con-
ceptâ. Hoc decreto non obstante *Ægidius Gabriëlis* *Moral. Christ. p. 2. §. 10.* doctrinam
illam de Attritione, non dubitavit vocare per-
niciosam, & maximè Diabolicam.

An, & quas Censuras vel injurias conti-
neant reliqui libri *Quatuor Virorum*, examinan-
dum relinquo Theologis. Ego satis Theolo-
giæ habebam, ut intelligerem librum *Ægidii Gabriëlis* esse injuriosum in plurimos Theo-
logos, ipsumque Pontificem Romanum.

Hic obiter mirari lubet, quid moverit
Ægidium Gabriëlis, simulque *Gummarum Huy-
ghens*, ad expostulandum de *Francisco Simo-
nis* potissimum. Quid dogmatum scandaloso-
rum, & hæresim redolentium hic tribuit ipsis;
quod non ante ipsis tribuerat insignis ille
Theologiæ Professor, ex cujus Dictatis Scho-
lasticis excerpta nuper prodiit *Praxis Solida*

Remit-

Remittendi & Retinendi peccata ? non solum illis tribuit Auctor Præceos eadem fere omnia ; sed & plura tribuit , & disputatione solidissimâ enervat , frangit ; conterit. Subsequitur *Franciscus Simonis*, vix quidquam sciens Disputationis Theologicæ, sed humiles preces repræsentans S. Sedi , ut doceatur , an liceat tenere ista dogmata : & ecce *Quatuor Viri*, omisâ *Praxi Solidâ* , ejusque Auctore, Theologo acuto, & Disputatore acerrimo, convertunt se in *Franciscum Simonis* Licentiatum minimè malum , & , ac si ipsi junctis viribus parùm graves essent , etiam auctoritatè Archiepiscopali tentant abuti , ut incumbant gravius , & miserum opprimant. Hoc cine est generosum , aut æquum ? sed hæc pertransennam.

Ex dictis puto liquere Illust. ac Rever. D. Archiepiscopum notabiliter gravasse unam partem præ altera. Hanc verò esse sufficientem causam recusandi Judicem rectè tradit Maranta *de ordine judiciorum* p. 6. clausulâ. *Et quandoque appellatur. n. 43.* citans primarios Jurisconsultos, *Abbatem & Philippum Francum.*

SEXTO. Quia notorium est , quod Illust. ac Rever. D. Archiepiscopus in negotiis Episcopalibus soleat uti consilio illorum Virorum, qui favent parti, & doctrinæ *Quatuor Virorum*. Quin imò cōstat famâ publicâ, quod multum

20 PROTESTATIONIS, ET EXCEPTIONIS
utatur consilio *Laurentii Neesen*, & *Ægidii Gabriëlis*. De *Gummaro Huyghens* idem creditur. Laudanda est prudentia Illust. ac Reverend. *D. Archiëpiscopi* utentis consiliis Theologorum in sua gubernatione: sed & prudenter *Franciscus Simonis*, & cæteri habentes interesse, recusant Judicem assuetam uti consiliis talium Theologorum.

SEPTIMÒ. Quia Illust. ac Rever. *D. Archiëpiscopus* in suo Decreto nimis brevem terminum præscripsit ad comparandum, intra tres scilicet septimanas à citatione.

Plerique omnes, quorum interest, & qui citari jubentur, habitant Moguntia, ut patet ex fundamento 1. & 2. consideretur itaque tempus, quo est opus, ut se parent ad opponendum *Quatuor Viris* sese expurgaturis, qui præsumuntur esse docti Theologi; ubi præcipuè laborandum erit *Ludovico Bourgeat* Typographo, qui verosimiliter non est magnus Theologus. Postea consideretur tempus, quo indigent, ut ordinent sua negotia, & familiam, prout par est cogitantibus iter, & longam à domo absentiam; deinde tempus, quo indigent, ut parent necessaria ad iter; salvum cōductum, non unum, sed plures pro viis tam periculosis, tempore tam multiplicis belli, &c. denique tempus, quo indigent ad conficiendum iter Moguntia, Bruxellas. Certè apparet latior-

rem terminum debuisse præscribi.

Porro recusari posse Judicem, & appellari ab eodem, qui nimis brevem terminum præscribit ad comparandum, docet in terminis Gonzales *ad Reg. 8. Cancell. gl. 9. in annot. contra nullitates n. 193. Salgado de protect. reg. p. 2. c. 1. n. 19.* ubi plures in hanc rem citat Decisiones.

OCTAVO. Quia cum Illust. ac Reverend. D. *Archiëpiscopus* committat citationem sub disjunctione *Coram se velsuo Officiali*, causæ omnes allegatæ, & aliæ allegandæ, ubi opus fuerit, ob quas meritò recusatur Judex Illust. ac Reverend. D. *Archiëpiscopus*, vim quoque obtinent, ad recusandum ejus Officialem. Est enim apud Doctores recepta regula hæc; *Quando Iudex est suspectus, etiam est suspectus ejus Vicarius, etiamsi nulla alia sit causa contra ipsum.* Ita Maranta *de ordine judiciorum p. 6. clausulâ & quâdoq; appellatur n. 48.* sic & judicatum refert Marta *tom. 1. Digestorum nouissimorum, verbo recusatio. cap. 4.*

Ex his, & aliis causis, ubi opus erit, plenius explicandis, Citati declarant cum omni respectu, & honore erga Sacram Personam, se habere suspectum Illust. ac Reverend. D. *Archiëpiscopum* in causâ præsentî, sicut & ejus Vicarium, seu Officialem: adeoque recusant, & quatenus opus, appellant, seu in Supplicatione ad *Sanctissimum Dominum* persistunt.

22 PROTESTATIONIS, ET EXCEPTIONIS

Uterius verò ab Illust. ac Rever. D. *Archiepiscopo* petunt, quatenus cassare dignetur, vel potius cassum declaret Decretum suum, per provisionem inhibens distractionem libelli *Status, Origo, &c.* in casu verò negationis protestantur de injuriâ.

Denique humiliter orant Illust. ac Rever. D. *Archiepiscopum*, ut pro singulari suâ prudentiâ in negotio tanti momenti, in causâ concernente materiam fidei, & salutem animarum, in causâ unâ ex gravioribus, & denique necessariò referendâ, etiam relatâ ad Sedem Apostolicam: in causâ tangente honorê, & famam, non solum Francisci Simonis, & Ludovici Bourgeat, sed omnium, quorum interest; hoc est Illustriss. ac Reverendiss. D. *Episcopi Mysienfis*: in causa Sacræ Facultatis Theologicæ Moguntinæ, quæ fama probitatis, & sanæ doctrinæ procul dubio nihil cedit Mechliniensis Diocesis Theologis, & Doctoribus: in causâ tot S. Theologiæ Doctorum Moguntinorum, & Colonienſium, ipsiusque Eminentissimi D. *Archiepiscopi, & Electoris Moguntini*, antequam ulterius procedat etiam, atque etiam videat, quàm indifferentes ad utramque partem viros adhibeat in consilium.

Quæ omnia si fallerent eos, quorum interest, neque ægrè feret, neque mirabitur Illust. ac Reverendiss. D. *Archiepiscopus*, si

pure

jure suo utuntur viri tam multi, tam spectabiles dignitate, probitate, & doctrinâ, mediisque divino, & humano jure permissis refarcire conentur læsam sibi famam, quam censent cum honore Ecclesiæ, & Fidei Catholicæ esse conjunctam in præsentî causâ, hanc persuasione[m] deposituri ad nutum solius Sanctæ Sedis.

Res est periculosa Antistitibus, unius sensus hominibus affixum esse. Reputare debent etiam alibi esse Theologiam, & Jurisprudentiam. Vidimus optimos Præsules in Ecclesia Dei, non satis hoc attendentes, didicisse tandem, verum esse factum in suis Consiliariis, quod est in psalmo, *Cogitaverunt consilia, quæ non potuerunt stabilire.*

Alia omnia promittunt nota providentia, & circumspectio; virtus, & probitas; ac denique innata nobilitas *Illustrissimi, ac Reverendissimi Domini Archiepiscopi.*

Ita sentio salvo melius sentientis
judicio

Locus † Sigilli.

I. BARTHOLOMÆVS,
Apostolicus Iurium, Doctor &
Consistorii Moguntini, uti &
Vicariatus Assessor.

CENSURA ORDINARII.

CUM antehac liber inscriptus:
Status, Origo, & Scopus Re-
formationis hoc tempore attentatæ
in Belgio circa administrationem, &
usum SACRAMENTI POENITEN-
 TIÆ, *junctâ* priorum supplicatione ad
 CLEMENTEM DECIMUM Pontifi-
 cem Maximum per FRANCISCUM
 SIMONIS S. Theol. L. Nobis seu
 Ordinario, & Supremo per Archi-
 dicecesin Moguntinam Censori ab
 ipso authore fuerit subjectus cum
 in finem, ut per eam liberè, & lici-
 tè divulgari posset: non tantum in
 propriâ personâ singulari cum at-
 tentione illum perlegimus, sed
 etiam

etiam almæ hujus Academiæ Sa-
cræ Facultatis Theologicę Decano,
& Professoribus discutiendum,
& examinandum commisimus,
quem cum unanimiter testarentur
nihil ab Orthodoxâ Catholicâ A-
postolicâ Romanâ Fide dissonum
continere; in meo judicio, quod
idem planè erat, fui tantò magis
confirmatus ad illum approban-
dum; errores autem in eo dexter-
rimè revictos supprimendum. Quod
verò nonnulli hoc nomine autho-
rem apud Reverendissimum ac Il-
lustrissimum D. D. Archiëpisco-
pum Mechliniensem detulerint,
quasi falsò ipsis erroneas illas sen-
tentias affricuerit; tantò minus
moramur, & miramur, quia in eo-
rum scriptis hujuscemodi proposi-
tiones ipsi hisce nostris oculis usur-
pavimus, quodque sciamus insuper
Omni

Omni Factioni molienti novitates
cōgenitum esse, ut suos errores ver-
borum involucris tegere conentur.
Authorem contra, virum eminētis
scientiæ ; & integerrimæ conscien-
tiæ , non dubitamus , omnia co-
ram Supremo Judice Pontifice
Maximo , ad quem ultima , &
suprema hujus libelli *Διάκρισις*
spectat , abunde præstiturum. Id
quod ex Protestatione , & Excep-
tionē , earumque æquitate de-
monstrata adversus supramemo-
rati D. D. Archipræsulis Decre-
tum nobis , sicut ex ungue leonem,
dignoscere licet. Unde quo-
que hanc ipsam protestationem
in Thesi ; & hypothesis à veri tra-
mite in nullo deflectere, ac proin-
de hîc loci quoque imprimi &
publicari posse censemus , contra
prohibitiones autem quascumque

Apo-

Apostolicâ inferiores omni melio-
ri modo protestamur, & omnia
juris remedia reservamus. Actum
Moguntiae die 11. Martii Anno
1676.

A. G. VOLVSIUS
Episcopus Mysiensis.

Locus (†) Sigilli.

2

THESE THINGS BEING
SAID, HE TOOK UP
THE STONE, AND
THREW IT AWAY

FROM HIMSELF
AND SAID

TO THE FATHER







MC

